

Si Cristo nga Sentro sa Nahikay nga Tulo-usang Dios

Basahong Kasulatan: Mat. 28:19; 1 Cor. 15:45; 2 Cor. 3:17; 13:14

I. Naa sa Mateo 28:19 ang labing tin-aw nga pinadayag sa Diosnong Trinidad: “Busa panglakaw mo ug himoang tinun-an ang tanang nasod, magbautismo nila ngadto sa ngalan sa Amahan ug sa Anak ug sa Espiritu Santo”:

- A. Nagpasabot sa persona ang *ngadto sa ngalan*:
 - 1. Ang pagpabautismo pagpabautismo man ngadto sa ngalan, persona, sa Amahan, Anak, ug Espiritu Santo, ngadto sa organicong pagkausa sa nahikay nga Tulo-usang Dios.
 - 2. Nagpasabot og pagkausa ang pulong *ngadto* sa 28:19, sama sa Roma 6:3, Galacia 3:27, ug 1 Corinto 12:13.
 - 3. Ang pagbautismog mga tawo ngadto sa ngalan sa Tulo-usang Dios pagbautismo man kanila ngadto sa espirituhanon ug misticong pagkausa Kaniya.
 - 4. Dunay usa ra ka ngalan alang sa Trinidad sa Mateo 28:19:
 - a. Ang ngalan maoy sumada sa Diosnong Pagkamao, nga pareho ra sa Iyang persona.
 - b. Ang pagbautismog mga magtutuo ngadto sa ngalan sa Tulo-usang Dios paghumol man kanila ngadto sa tanang pagkamao sa Tulo-usang Dios.
- B. Tulo-sa-usa ang Dios—2 Cor. 13:14:
 - 1. Naghisgot ang Ginoo sa Mateo 28:19 kalabot sa tulo ka persona—sa Amahan, Anak, ug Espiritu Santo.
 - 2. Sa naghisgot Siya dinhi sa ngalan sa Amahan, Anak, ug Espiritu Santo, singular ang *ngalan* sa orihinal nga teksto.
 - 3. Nagpasabot kini nga tulo ang Amahan, Anak, ug Espiritu Santo, apan usa ra ang ngalan.
 - 4. Misteryoso gyod ang usa ka ngalan alang sa tulo ka persona ug nagpadayag nga tulo-sa-usa ang Dios.
 - 5. Naglakip sa tulo kining ngalana—sa Amahan, Anak, ug Espiritu Santo.
 - 6. Bisan usa ra gyod ang Dios, apan dunay tulo ka persona—ang Amahan, Anak, ug Espiritu.

II. Isip mga magtutuo ni Cristo, gibaustimohan na ta ngadto sa nahikay nga Tulo-usang Dios:

- A. Ang sugo nga gihatag sa Mateo 28:19 gihatag man ni Ginoong Jesus human Siya mosulod sa pagkabanhaw, nga kahingpitan sa kahikayan sa Tulo-usang Dios.
- B. Niagi sa kahikayan ang Tulo-usang Dios nga nagsugod sa pagpakatawo, ug naglakip sa pagkinabuhi isip tawo ug pagkalansang sa krus, ug nahingpit sa pagkabanhaw.
- C. Sa pagkabanhaw, si Cristo nga pagkalawas sa Tulo-usang Dios, nahimong Espiritung taghatag-og-kinabuhi—1 Cor. 15:45; 2 Cor. 3:17.
- D. Kining Espirituha ang kahingpitan sa Tulo-usang Dios aron mabautismohan ang mga magtutuo ngadto sa Diosnong Trinidad.
- E. Ang pagpabautismo ngadto sa persona sa Tulo-usang Dios pagpabautismo man ngadto sa malangkobon-sa-tanan, nahingpit nga Espiritu nga maoy kinasang-ang kahingpitan sa nahikay nga Tulo-usang Dios:
 - 1. Kini ang pagpabautismo ngadto sa kadato sa Amahan, Anak, ug Espiritu.

2. Ingon nga gipamautismohan, organico ta nga nausa sa Tulo-usang Dios karon; busa, atoa na ang tanang nabatonan sa Amahan, Anak, ug Espiritu.
- F. Ang pagpabautismo ngadto sa ngalan sa Tulo-usang Dios pagbutang man kano ngadto sa misticong pagkausa Kaniya ug paggamit sa tanang pagkamao sa Dios nganhi sa atong pagkatawo.

III. Si Cristo ang sentro sa nahikay nga Tulo-usang Dios—2 Cor. 13:14:

- A. Nagpasabot ang *nahikay* sa mahinungdanong mga ang-ang nga naagian sa Tulo-usang Dios:
 1. Sa wala pa magpakatawo ang Dios wala pa Siya mahikay, dunay diosnong kinaiya apan walay tawhanong kinaiya, apan pinaagi sa pagpakatawo, pagkinabuhi isip tawo, pagkalansang sa krus, pagkabanhaw, ug pagkayab, nahikay ug nahingpit ang Tulo-usang Dios.
 2. Sa Bugna ang Tulo-usang Dios mao ang nahikay ug nahingpit nga Tulo-usang Dios nga dunay pagkadios, pagka-tawo, pagkinabuhi isip tawo, malangkobon-sa-tanan nga kamatayon, gamhanang pagkabanhaw, ug nilabaw kaayo nga pagkayab—1:4-5.
- B. Ang nahikay ug nahingpit nga Tulo-usang Dios mao ang Espiritu—22:17a; Juan 7:39:
 1. Ang Espiritu mao ang sumada, ang kinatibuk-an, sa tanang elemento sa mga ngalan sa Espiritu sa Dios—Mat. 3:16; 10:20; Luc. 1:35; 4:18; Rom. 8:9; Gal. 4:6.
 2. Ingon nga kahingpitan sa nahikay ug nahingpit nga Tulo-usang Dios, ang Espiritu mao ang panalangin sa pamatigayon sa Dios sa Bag-ong Tugon—3:14.
- C. Ang Tulo-usang Dios sa Bugna mao ang nagtukod ug natukod nga Dios—21:18-19a, 21:
 1. Mahingpit sa Bag-ong Jerusalem ang Biblia, nga mao ang Dios mismo nga naa sa sinugdan—Gen. 1:1; Bug. 21:10:
 - a. Sa kapulihay gipadako ug gipalapad nga usa ka syudad ang bugtong-talagsaong Dios aron walay kataposang magpadayag Niya.
 - b. Sa pamatigayon sa Dios nahimo Siyang Bag-ong Jerusalem—v. 10.
 - c. Sa Bag-ong Jerusalem giumol ang Tulo-usang Dios nganha sa Iyang pinili ug tinubos nga katawhan—vv. 18-19a, 21a.
 2. Ang Dios nga nahimong Bag-ong Jerusalem mao ang nagtukod ug natukod nga Dios—2 Sam. 7:12, 14a; Mat. 16:18; Efe. 3:17:
 - a. Gitukod sa nahikay ug nahingpit nga Tulo-usang Dios ingog tinubdan, elemento, ug pagkamao ang iglesia pinaagi sa pagtukod sa Iyang Kaugalingon nganhi sa atong pagkatawo—v. 17.
 - b. Gituman sa Dios ang Iyang tinguha nga tukoron ang Iyang Kaugalingon diha ni Cristo nganhi sa atong pagkatawo ug tukoron ta nganha sa Iyang pagkamao; sa kapulihay, ang resulta ning pagtukora mao ang Bag-ong Jerusalem—Bug. 21:2, 10.
- D. Sa basahon sa Bugna, duna tay kinasang-ang pinadayag sa Diosnong Trinidad alang sa diosnong pagpaambit—22:1-2; 7:17a; 21:6b; Juan 4:14b:
 1. Ang diosnong pagpaambit mao ang pagpaambit sa Dios sa Iyang Kaugalingon nganha sa pinili ug tinubos Niyang katawhan ingon nga ilang kinabuhi, sangkap sa kinabuhi, ug tanan—2 Cor. 13:14.
 2. Sa diosnong pagpaambit, ang Amahan mao ang tinubdan, ang Anak mao ang tubod, ug ang Espiritu mao ang agay.